

ՀԱՂԹԱՏԻ ՄԵՆ ԴԱՎԻԹԲ

Հ. Գ. ՍԱՐԳՍՅԱՆ

Հաղբատավանքը, Հայաստանի կանդուն մնացած նշանավոր համակառույցներից մեկը, հարուստ է ճարտարապետական կոթողներով, որոնք չափազանց է Հովհաննես Հակոբյանի ղեկավարությամբ աշխատող ճարտարապետների խումբը 1947—1948 թթ.:

Հաղբատավանքի ղլխավոր և ամենահին հուշարձանն է ս. Նշան եկեղեցին. նրա կառուցումն սկսվել է վանքի հիմնադրման օրից՝ 976 թ., հոսսրովանուշ թաղուհու նախաձեռնությամբ: Տաճարի կառուցումը ավարտվել է 991 թ.¹: Մի շարք գիտնականներ գտնում են, որ կառուցողն է նշանավոր ճարտարապետ Տրդատը: Այդ եկեղեցու դավիթը, կամ ժամատունը, հայկական միջնադարյան ճարտարապետության դուրս-գործոցներից մեկն է, որի մասին մեծ հիացմունքով են խոսել հին պատմիչները: Դավթի կառուցման ժամանակի վերաբերյալ կան տարբեր տեսակետներ: Վ. Հարությունյանի և Ս. Սաֆարյանի կարծիքով այն կառուցվել է 1201 թ., իսկ ըստ Ս. Մնացականյանի՝ «Հաղբատավանքի դավիթը կառուցել է վանքի վանահայր Հովհաննես խաչենցին, որը այդ պաշտոնին է անցել 1209 թ.: 1221 թ. արձանագրությամբ Հովհաննեսը արդեն հիշատակում է իր կառուցած դավթի մասին»: Պրոֆ. Կ. Ղաֆադարյանը նշում է, որ դավիթը սկսել է կառուցվել 1208 թ., Հովհաննես խաչենցու առաջնորդության տարիներին, ավարտվել է 1210-ական թթ. և կառուցող ճարտարապետի անունն անհայտ է:

Մեծ դավիթը կից է ս. Նշան եկեղեցու արևմտյան պատին: Ինչպես ցույց են տալիս Կ. Ղաֆադարյանի ուսումնասիրությունները, «այս ժամատան տեղում սկզբնապես կառուցված է եղել մի դավիթ, իբրև տոհմական տապանատուն Կյուրիկյան թագավորական տան անդամների համար, որ հետո վանքի առաջնորդ Հովհաննես խաչենցին քանդել և նրա տեղը կառուցել է այժմ գոյություն ունեցող մեծ ժամատունը»²: «Փոքրագույն դավիթը կամ Կյուրիկյան տոհմի տապանատունը կառուցված է եղել Կյուրիկե III թագավորի դուստր Մարիամի հրամանով»³: «Անվիճելիորեն մարիամաշեն հին դավթին են պատկանում մեծ ժամատան ղեկի հարավ և հյուսիս դուրս շնչոված մասերը երկկամար մուտքերի բացվածքով, որոնք մինչև կամարներն այժմ շարված են սրբատաշ քիչ ղեկի դուրս ընկած պատերով: Միայն վերին կամարներն են, որ չեն շարվել և հին ժամանակներից ի վեր բաց են մնացել, իսկ կամարների կենտրոնի սյուները մնացել են մեծ ժամատունը շինելու ժամանակ շարված


¹ Կ. Ղաֆադարյան, Հաղբատ, Երևան, 1963, էջ 15:

² В. М. Арутюнян и С. А. Сафарян, Памятники армянского зодчества, М., 1951, էջ 57; С. Х. Мнацаканян, Архитектура армянских притворов, Ереван, 1952, էջ 79, Կ. Ղաֆադարյան, Հաղբատ, էջ 15:

³ Կ. Ղաֆադարյան, Հաղբատ, էջ 26:

⁴ Նույն տեղում:

պատերի մեջ»⁵ (նկ. 1)։ Փոքր զավիթը կամ փոքր ժամատունը գտնվում է զլխավոր եկեղեցու ու Համադասպի կառուցած ժամատան միջև առաջացած միջանցքում։ Կառուցված է Հովհաննես առաջնորդի նախաձեռնությամբ մինչև 1279 թ.⁶։



Նկ. 1. Գլխավոր եկեղեցու և մեծ զավիթի հատակագիծը։ 1. ս. Նշան եկեղեցուն, 2. Մեծ զավիթը, 3. Մարիամաշեն տապանատունը, 4. «Տոթյակի» պատը, 5. Վանդատուն։ Սլաքներով ցույց են տրված ազդող ճիգերի ուղղությունները։

Մեծ զավիթը հատակագծում ուղղանկյուն է՝ $15,3 \times 16,9$ մ ներքին չափերով (չհաշված մարիամաշեն տապանատները), ձգված արևելքից արևմուտք, երեք կողմից շրջապատված է պատերով։ Արևելյան կողմում պատը փոխարինված է որմնամույթերով, որոնք հավանաբար են ս. Նշան եկեղեցու պատին։ Որմնամույթերը միացնող կամարների վրա շարված է պատի վերին մասը։ Հյուսիսային և հարավային պատերը մեծ բացվածքներով միացված են մարիամաշեն տապանատներից մնացած թաղածածկ մասերին։ Արևմտյան պատից մոտ $4,30$ մ հեռավորության վրա տեղադրված են երկու սյուներ։ Գավթի արևելյան մասը՝ սյուներից մինչև ս. Նշան եկեղեցու պատը, ծածկված է հատվող կամարներով, իսկ արևմտյան մասը՝ սովորական կամարային կառուցվածքներով։


Գավթի հատվող կամարներով ծածկի արևելքից արևմուտք ձգված ղույզ կամարները մի կողմում հենվում են ս. Նշան եկեղեցուն կից կառուցված որմնասյուներին, իսկ արևմտյան կողմում՝ ղույզ սյուներին։ Այս կամարների մաքուր թռիչքը հավասար է մոտ $12,0$ մ։ Հարավից հյուսիս ձգված ղույզ կամարները հենվում են Մարիամաշեն զավթի երկայնական պատերին կցված որմնասյուներին վրա։ Այս ուղղությամբ կամարների մաքուր թռիչքը հավա-

⁵ Նույն տեղում, էջ 29։

⁶ Նույն տեղում, էջ 46։

սար է մոտ 13,0 մ: Լերեւելից արեւմուտք ձգված զլխավոր կամարները հենվում են ս. Նշան եկեղեցու պատին կցված որմնասյուներին և սյուներին, տարբեր բարձրությունների վրա: Նիշերի տարբերությունը կազմում է 3,5 մ: Հատվող կամարներով առաջացած միջին քառակուսին ծածկված է գմբեթով, որը նույնպես նստած է հատվող կամարների վրա, իսկ հատման տեղում գտնվում է երդիկը՝ վեց սյուների վրա հենված գմբեթով, որը արտաքինից կոնաձև է:

Փավիթը կառուցող ճարտարապետը մեծ հմտությամբ օգտագործել է տեղում գոյություն ունեցող շենքերը՝ ս. Նշան եկեղեցին և Մարիամաշեն դավթի երկու ծայրամասերը, ստեղծելով ճարտարապետական տեսակետից համարձակ մի կոթող: Փավիթը ունի զրեթե նույն երկարությունը ինչ եկեղեցին, բայց բավական լայն է նրանից և իր արեւելյան կողմի թևերով, որտեղ տեղադրված են երկհարկ ավանդատներ, զրկում է նրան: Հարավից ղեպի հյուսիս ձգված 13 մ թռիչք ունեցող կամարները հենվում են որմնասյուների վրա, որոնք կցված են Մարիամաշեն դավթի երկու զույգ կոշտ երկայնական պատերին (նկ. 2): Լերեւելից արեւմուտք ուղղված զույգ կամարների




հորդ աիգերը մի կողմից հաղորդվում են արեւմտյան կողմում տեղադրված զույգ սյուներին (որոնք կամարներով և նրանց վրա եկած ծածկով միացված են արեւմտյան որմնասյուներով ուժեղացված պատին, կազմելով մի կոշտ հենարան), իսկ արեւելյան կողմից՝ ս. Նշան եկեղեցու պատերին կցված որմնասյուներին: Փավթի որմնասյուները և ս. Նշան եկեղեցու պատը, համատեղ, մոտ 6 մ բարձրության վրա, վերցնում են կամարների հորդ աիգերը: Ծարտարապետը, ցանկանալով այս հենարաններին էլ մեծ կոշտություն հաղորդել, ս. Նշան եկեղեցու արեւմտյան պատի որմնասյուները պատերով միացրել է գմբեթակիր հզոր որմնասյուներին, ստեղծելով մի ապահով սիստեմ (նկ. 3):

Կ. Ղաֆաղարյանը գրում է. «Արեւմտյան կողմի զույգ ավանդատների վերին հարկերի միմյանց նայող հարավային և հյուսիսային պատերը բաց են և, ըստ երևույթին, ծառայել են Կյուրիկյան տան անդամներին իբրև արքայական օթյակ»⁷: Ուսումնասիրությունները ցույց տվեցին, որ ավանդատները և վերին հարկի «օթյակները» կառուցված են հետադաշում, որովհետև նրանց պատերը որմնասյուներից բաժանված են շինարարական կարաններով և նրանց հետ մի միասնություն չեն կազմում: Այս «օթյակները» կարելի է բարձրանալ միայն փայտե շարժական ելարաններով և, վերջապես, այդ օթյակներից հնարավոր չէ դիտել սեղանի վրա կատարվող արարողությունը: Այսպիսով, օթյակների պատերը կառուցված են դավթի կամարներից առաջացած հորդ աիգերի ազդեցությունը վերաբաշխելու նպատակով, իսկ այդ միջո-

⁷ Նույն տեղում, էջ 19:

ցառումից ստացված երկհարկ սենյակները օգտագործվել են եկեղեցու կարիքների համար: Մարիամաշեն զավթի՝ անհրաժեշտ համարված մասերի օգտագործումը այս մեծ ճարտարապետին հնարավորություն է տվել ստեղծել տարբեր թոփշքի և տարբեր բարձրությունների վրա հենված կամարներ, որոնց շնորհիվ հատման տեղում առաջացած զմբեթի կենտրոնը մոտ 1 մետրի չափ մոտեցել է ս. Նշան եկեղեցու պատին, շեշտելով այն:




Նկ. 3. Գլխավոր եկեղեցու և մեծ զավթի երկայնական կտրվածքը արևմուտքից արևելք:

Հատվող կամարները կազմված են երկու քարից և ունեն Մ-աձև կտրվածք: Ինչպես ընդունված է հայկական ճարտարապետության մեջ, սրբատաշ քարերից կառուցված կամարների առաջին շարքի քարերը տեղադրվում էին առանց շաղախի: Միակողմանի մեծ բեռնվածության կամ երկրաշարժային ճիգերի ազդեցության տակ այսպիսի կամարը չի կարող աշխատել, որովհետև նրանում առաջացող ձգող լարումներից կբանգվի: Վարպետները իրենց երկարամյա աշխատանքի և բազմադարյան շինարարական փորձի հիման վրա քարի կամարները, թաղերը և այլ կառույցները վերևից ծածկում էին կրաբետոնի շերտով, որը իրար միացնելով շենքի մասերը, կարող էր աշխատել ձգման ճիգերի տակ: Ինչպես երևում է դժադրից, զավթի կամարների երկրորդ շարքը հնարավորություն է տվել ուժեղացնել կամարի կտրվածքը, կրաբետոնի շերտին տալով Մ-ի ձև (նկ. 4): Նրդիկի մասում կամարները միաշերտ են, բայց ուժեղացված են շատ կոշտ պատերով, որոնք տեղադրված են կամարների վրա և զմբեթն են կազմում:

Ս. Մնացականյանը իր մենագրությունում, որտեղ ուսումնասիրված է հայկական զավթիների ճարտարապետությունը, գրում է. «Բացի մի քանի փոքր զավթիներից (Հոռոմայր, Ցախաղբար), առանց բացառության բոլոր զավթիները կոնստրուկտիվ կապ չունեն այն եկեղեցիների շենքերի հետ, որոնց

նրանք կցված են⁸։ Ասպ նա եղրակացնում է, թե դա զրսնորումն է հայ վարպետների հակաերկրաշարժային շինարարության դարավոր փորձի, որն թիրազործվել է սրամիտ կոնստրուկտիվ մեթոդներով և ձևերով⁹։ Հեղինակի այսպիսի դրվածքի հետ չի կարելի համաձայնվել։ Գրքում բերված զրեթե բոլոր օրինակներում գավիթները կցված են եկեղեցիներին, ճիշտ է առանց կոնստրուկտիվ կապերի, բայց կառուցված են ընդհուպ, առանց հակաերկրաշարժային կարանների։ Եթե ուշադրությամբ դիտենք այդ կառուցվածքները, որոնց թվում և Հաղրատի մեծ գավիթը, ապա կտեսնենք, որ կցման տեղում դրված տարրերը (որմնասյուները, կամարները, սյուտերը), փոքր չափեր ունենալով, չէին կարող կրել իրենց վրա եկած բեռները։ Եթե հենված չլինեին եկեղեցիներին և կապված չլինեին շաղախի շերտով։ Գավիթները եկեղեցիներին կցելով, վարպետները կրճատել են շինարարական աշխատանքների ծավալը և արժեքը։ Այս ձևով են արված միջնադարյան մի շարք համալիրների կառուցվածքները, որտեղ մի շենքի սլաքը օգտագործված է կից շենքի համար որպես հենարան։



Նկ. 4. Կամարի կտրվածքը։
1. Կրաբետոն, 2. Քար

Հ. Խալփախչյանը, խոսելով Սանահինի կամարակապ սրահի մասին, որը գտնվում է Աստվածածին և Ամենափրկիչ եկեղեցիների միջև, գրում է. «Տաշիր Զորագետի բարձր երկրաշարժայնությունը, որը Մերկալի—Կանկանիի աստիճանացույցով հավասար է 5,5—6,5 բալի, հաճախ սլաքառ է դարձել աղետալի կործանումների (օրինակ, 1139 թ. Հաղբատում երկրաշարժից քանդվել էր տաճարի դմբեթը)։ Ճեմարանի կամարները, մի ծավալային տարածական հորինվածքում միավորելով Աստվածածին և Ամենափրկիչ եկեղեցիները, այդ կառուցվածքներից յուրաքանչյուրին ստիպում են ստորերկրյա հարվածը ընդունել ոչ թե առանձին-առանձին, այլ խմբի կազմում, որի շնորհիվ ղգալիորեն մեծանում է նրանց երկրաշարժակայունությունը»¹⁰։

Հակաերկրաշարժային տեսակետից սրահը կկատարի միայն բացասական դեր։ Երկրաշարժի զեպքում կվնասվի ինքը և կվնասի կից շենքերը, կատարելով խոյահարի (таран) դեր։ Ինչ վերաբերում է Մերկալի—Կանկանիի աղյուսակով 5,5—6,5 բալի երկրաշարժերին, ապա դրանք կործանիչ չեն։ Կառուցվածքներում սովորաբար հաշվի են առնվում 7 բալ և ավելի հզորության երկրաշարժերը։ Իրավացի է Կ. Ղաֆաղարյանը, երբ խոսելով 1139 թ. երկրաշարժի մասին, գրում է. «Դրանից հետևեցնում ենք, որ վնասն այնքան էլ մեծ չի եղել, և Սամուել Անեցին մի քիչ չափազանցության մեջ է ընկել»։ Ասպ նա եզրակացնում է. «Վիմական արձանագրությունների ու մատենագիտական վկա-


⁸ С. Минаканян, Архитектура армянских притворов, էջ 34։

⁹ Նույն տեղում, էջ 35։

¹⁰ О. Халпахчьян, Сааши, М., 1973, էջ 36։

յությունների մեջ հաճախակի հիշատակվող բլավ, և վերեցավ, կործանեցավ՝
բառերը չափազանցված են»¹¹։

Պետք է նշել, որ Տաշիր—Ձորագետի շրջանի միջին երկրաշարժայնու-
թյունը գնահատվում է 7 բալով, իսկ եթե հաշվի առնենք, որ Հաղբատավանը
դտնվում է ձորի եզրին, ապա հավանական է, որ նա կարող է ենթարկվել
8 բալից ավելի երկրաշարժի հարվածի։



Նկ. 5. Գլխավոր եկեղեցու և փոքր զավթի
կտրվածքը հյուսիսից-հարավ։

Ս. Նշան եկեղեցու պատին կցված զավթի որմնասյուները կամարներով
միացված են իրար և զավթի երկայնական պատերին ու իրենց վրա են վերց-
նում ծածկի քաշը։ Այդ անկյուններում, ինչպես ասվեց սկզբում, տեղադրված
են երկհարկանի ավանդատներ, որոնք զրկելով եկեղեցին, կապված են եր-
կայնական պատերին և զավթի արևելյան մասի կոնստրուկցիաներին ու կաղ-
մում են մի հզոր կոշտ հանգույց։ Կառուցվածքի ուսումնասիրությունը ցույց

¹¹ Կ. Ղ ա ֆ ա ղ ա ռ յ ա ն, Հաղբատ, էջ 26։

է տալիս, որ ավանդատները և գավիթը կազմում են մի ամբողջություն և կառուցվել են միաժամանակ:

Մի շարք հուշարձաններում, որտեղ գավիթը ավելի լայն է, բաժնի եկեղեցին, կիրառված է կցման այս ձևը՝ կցման հանդուցր ուժեղացված է ավանդատների տեղադրումով: Արդականի Նեղուցի վանքի ս. Աստվածածին եկեղեցու գավիթը՝ կառուցված 1271 թ., ընդգրկում է եկեղեցու արևմտյան պատերի կու ավանդատներով: Նույնն է արված Գոշավանքում, հորանաշատում, Մշկավանքում: Մակարավանքի գավթի հյուսիսային պատը հենված է եկեղեցուն, իսկ հարավայինը, որ զբաղեցնում է եկեղեցու պատից քել հեռու, անկյունում ուժեղացված է ավանդատով:

Հաղբատի փոքր գավիթը, որ շինված է ս. Նշան եկեղեցու հյուսիսային պատի և «Համազասպի տան» միջև, հետաքրքիր կառուցվածք ունի: Մթնոլորտային տեղումների հեռացման խնդիրը լուծվում է այդ գավթի ոչ սիմետրիկ կառուցվածքային լուծումը: Գավթի ծածկված է թաղով, որը նրստում է ոչ սիմետրիկ կամարների վրա: Վերջիններս հենվում են «Համազասպի տան» կողմից շինված ինքնուրույն պատի ցածր որմնասյուների և եկեղեցու պատին ընդհուպ կցված կամարային որմնախորշերով բարձր կառուցվածքին (նկ. 5):

Հայկական գավթների ճարտարապետությանը նվիրված իր մենագրությունում Ս. Մնացականյանը ի մի է բերում ուսումնասիրված գավթների հորինվածքը և բաժանում դրանք մի քանի հիմնական տիպերի: Մշկավանքի և Գանձասարի գավթները, որոնց խաչաձևվող կամարներից երկուսը հենվում են արևմտյան կողմում զբաղեցնում են իրենց մի տիպ: Նմանությունն այստեղ միայն տիպային է: Հաղբատական մեծ գավթը հայկական ճարտարապետության զուխ-գործոցներից մեկն է, նա իր հորինվածքով տարբերվում է վերևում նշված և առհասարակ Հայաստանում կառուցված բոլոր գավթներից: Եթե ուշադրությամբ դիտենք մեզ հայտնի գավթները, ապա կտեսնենք, որ զրեթե բոլորն էլ կցված են եկեղեցիներին արևմտյան կողմից, բայց իրենց կառուցվածքով անտարբեր են նրանց նկատմամբ, մինչդեռ Հաղբատական գլխավոր գավթը իր հորինվածքով կարծես եկեղեցու մի օրգանական մասն է կազմում:

Երբ մտնում ենք Հաղբատականի համալիրի կենտրոնական ս. Նշան եկեղեցու կողքին կառուցված համեստ ու զուսպ շենքը, մեր առաջ անսպասելի բացվում են մեծ գավթի վեր խոյացող և վերևում հատվող զույգ կամարները իրենց գմբեթով, որ բարձրում հենվելով եկեղեցու պատին, դիտողի ուշադրությունը գամում է տաճարի աստիճանավոր մուտքին: Դրան նպաստում է գավթի երկրկից և Մարիամաշեն տապանատներից ներս թափանցող առատ լույսը:

Հաղբատականի մեծ գավթը իր ճարտարապետական ու ճարտարագիտական հորինվածքով հատուկ տեղ է զբաղում Հայաստանի հուշարձանների մեջ: Այս կառուցվածքի հեղինակը բնածին տաղանդով ստեղծել է մի կատարյալ կոմպոզիցիոն, որը հարատևել է մոտ ութ դար:

БОЛЬШОЙ ПРИТВОР АХПАТА

А. Г. САРКИСЯН

(Резюме)

Большой притвор Ахпатского монастыря пристроен к западной стене церкви с. Ншан. При этом использованы два концевых участка ранее построенного приищесой Марнам притвора.

Большой притвор в плане имеет прямоугольную форму (не считая отрезков притвора Марнам), вытянут с востока на запад, имеет размеры $15,3 \times 16,9$ м, окружен стенами, из которых восточная примыкает к стене церкви, а северная и южная соединяются со сводчатыми отрезками притвора Марнам. На расстоянии 4,30 м от западной стены имеются две колонны. Восточная сторона притвора, от колонн до стены церкви, перекрыта пересекающимися арками, а западная — обыкновенным арочным перекрытием. Пересекающиеся арки в центре образуют квадрат, который покрыт другими пересекающимися арками, создающими световой проем, над которым на шести колоннах устроен купол с конической кровлей. Мастер с большим искусством использовал существовавшие ранее сооружения: две арки, простирающиеся с севера на юг, опираются на приставленные к стенам притвора Марнам колонны и передают на эти стены свой распор. Две параллельные арки, перпендикулярные предыдущим, несимметричны, с западной стороны они опираются на колонны и свой распор передают жесткой системе колонна — покрытие — стена с пристенными колоннами, а с восточной стороны, на высоте 6 м от пола, — колоннам, пристроенным к стене церкви.

Притвор Ахпатского монастыря пристроен вплотную к стене церкви. Конструкции притвора, которые прислонены к стене церкви, недостаточно прочны и устойчивы и не могут существовать самостоятельно. Несмотря на это, мастер сумел создать достаточно сейсмостойкую конструкцию, поместив в углах притвора с двух сторон двухэтажные кельи, которые охватывают церковь и создают жесткие узлы.

Большой притвор Ахпата по своему архитектурному и инженерному решению занимает особое место среди одностолпных памятников Армении. Талант и интуиция позволили автору создать совершенное творение, просуществовавшее уже восемь столетий.